

Nunanut allanut Allakkanut

POST Greenlandip Niuernermi piumasaqaatai 1. maj 2019-imeersut

Niuernermi piumasaqaatit uku Nunanut allanut Allakkanik nassiussinernut atuup- put. Niuernermi piumasaqaatinut tapiliussatut Allakkerineq pillugu Inatsisartut inatsisaanni nr. 3, 15. april 2011-meersumi malittarisassat kiisalu POST Greenlandip allakkanik ingerlassisarnermi pisussaaffii kisermaassisussaataitaneralu il.il. pillugit Namminersorlutik Oqartussat nalunaarutaat nr. 9, 24. juni 2011-meersaq aammat- taaq atuupput.

Nunanut allanut Allakkat tassaapput allakkat nunani allani tiguisissanut, aamma Savalimmiuni Danmarkimilu tiguisissanut nassiunneqartussanngorlugit POST Greenlandimut tunniunneqartut.

1. ALLAKKAT (A Prioritaire-t)

1.1 Ingerlanneqarnerisa sivisussusaat

Allakkat (A Prioritaireret) ingerlanneqarnerisa sivisussusaannut nuna nassiunne- qarfiat apeqqutaavoq. Nunanut tiguisissanut ingerlanneqarnerisa sivisussusaat pillugit allakkeriviit annertunerusumik paasissutissiisinnaapput.

1.2 Angissutsit

Allakkat tamarmik angissutsit taaneqartut qaangersimassanngilaat: Minnerpaaffissaq: 14 x 9 cm. Allagaq imusatut amilimasutulluunniit isikkoqa- runi: takissuseq 10 cm aamma takissuseq + 2 x diameter/portussuseq = 17 cm. Annerpaaffissaq: takissuseq 60 cm aamma takissuseq + silissuseq + portus suseq = 90 cm. Allagaq imusatut amilimasutulluunniit isikkoqaruni: takissuseq 90 cm aamma takissuseq + 2 x diameter/ portussuseq = 104 cm.

1.3 Oqimaassuseq

Allakkap poortuutini ilanngullugu oqimaannerpaaffissaraa 2 kg.

1.4 Imai

Allakkap imaa akitsuusigassaanersaq kiisalu nunami tiguisissami malittarisas- sat malillugit allakkap imai nunamut nassitsivigisamut eqqunneqarsinnaasuu- nersut, taamaappallu malitassat suut tungavigalugit tamatuma pisinnaanera misissussallugu nassiussisup akisussaaffigaa. POST Greenland pissutsit tamakku misissorneq ajorpai aammalu tamakku pillugit siunnersuisinnaanani, taarsiullu- guli nassiussisumut innersuussutigisarlugu nunap nassitsiviusussap oqartussaasui, soorlu aallartitaqarfearfii konsulateqarfiiluunniit saaffigeqqullugit.

Allagaq makkuninnga imaqaqqusaanngilaq:

- Aningaasat, checkit angalanermi atugassat, allagartaatit, saffiugassat erlinnar- tut, soorlu platin, guulti aamma sølvi, ujaqqat erlinnartut kiisalu pigisat akisuut. Allakkat imaat tamakku taamaattoq killilikkamik nalilerlugit Allakkatut tammat- saalisatut imaluunniit Allakkatut nalilittut

nassiunneqarsinnaapput. Allagartaatit paasineqassapput akiitsut allagartaat, aktiat, checkit crossigaanngitsut, akiitsuk- kanut uppernarsaatit, nalilinnut uppernarsaatit aammalu allagartaatit allat anin- gaasanik nalilinnut uppernarsaataasut aammalu allagartaammik tigumminnittup kinaaneranik uppernarsaasuusunik allagartaammik tunniussinissamut, allagartaat naapertorlugu aningaasanik akilerneqarnissamut, pigisat nuunneqarsinnaasut tigunissaannik piunasaqarnermut imaluunniit allagartaat naapertorlugu kiffar- tuussinermik sullinneqarnissamik piunasaqarnermut.

- Imarisat ulorianaatillit. Imarisat ulorianaatillit tassaapput akuutissat atortussal luunniit, ilutsimikkut akumikkulluunniit inunnet, uumasunut, avatangiisinut (assersuutigalugu nioqqutissiornermi maskinanut aamma nassiussanut allanut) imaluunniit angallassissutigisanut ulorianaateqarsinnaasut.

- Nunap immallu uumasui uumasut, tassani pineqarlutik igutsaat, sullerngit sullineqatiminnik ajoqutaasunik akiuisussat (rovvider), uumasullu allat qimer- loqanngitsut.

- Aallaasit

- Imassat, qaartartut assigisaallu ilanngullugit.

- Nioqqutissat peqquserlulluni assilisat salloqittaasiillu.

- Inuit timaasa uumasullu toqungasut sinnikui.

- Lithium batterit imaluunniit cellit

- Lithium cellit imaluunniit lithium batterit, atortunut ikkunneqanngitsut ulorinartut naatsorsuunneqartput taamaattumik allakkatigut nassiunneqarsinnaanngillat.

- Allakkat amerlanerpaamik lithium cellinik sisamanik atortunut ikkunneqarsimasunik imaluunniit lithium batterinik marlunnik atortunut ikkunneqarsimasunik.

- Lithium cellit imaluunniit lithium batterit atortunut ikkunniit, sanaartortup sillimanissakkut amingartumik isumannaarneqarsimasutut oqaatigisai, amingartut, ajortissimasulluunniit, kissatsitseruloorsinnaasut imaluunniit ikuallatsitsinnaasut imaluunniit qamittoortitsinnaasut allakkatigut nassiunneqarsinnaanngillat.

Imaasa killissat makku qaangersimassanngilaat:

- Lithiummetal imaluunniit lithiumlegering celliniittut 1 g pr. qaangersimassanngilaat.

- Cellit lithiumionillit annerpaamik annertussuseqassapput 20 Wh cellimut ataatsimut.

- Batterini lithiummetalip imal. lithiumlegeringip batterimi ataatsimimi 2 g lithium qaangersimassanngilaq.

- Batterit lithiumionillit annerpaamik 100 Wh baterimi ataatsimi.

1.5 Poortorneri

Allakkap nalinginnaasumik allakkerinikkut suliarineqarnerani, soorlu maskinamik immikkoortiterineri, imaasa aserorneqarsinnaajunnaarlugit poortorneqarsima nissaat kiisalu allakkap nassiussanik allanik, POST Greenlandimik allanilluunniit ajoqusiinnaanerata pinngitsoortinnissaa nassiussisup akisussaaffigaa. Postkortit kisimik pooqartinnagit nassiunneqarsinnaapput. Imarisat qajannartut imaluunniit imerpalasut poortuutissat POST Greenlandip akuerisai poortuutigalugit taamaallaat nassiunneqarsinnaapput.

1.6 Nalunaaqutsiineq

Allakkap (A Prioritairep) saqqaani „Prioritaire" nalunaaqutsiunneqassaaq imaluun- niit meqqilerneqassalluni „A Prioritaire"mik.

1.7 Allakkerivimmuq tunniussineq

Nassiussisup allagaq nassiussassanngorlugu ukununga tunniussinavaa:

1. Allakkerivimmuq

2. POST Greenlandimit nivinngaaterneqarsimasunut allakkanut nakkartitsivinnut

1.8 Piumasaqarsinnaatitaaffik

Allakkanik nunanut nassitsiviusunut arlalinnut nassiussinermi allakkami allas- simasumut tunniunneqarfissaminut allakkap tiguneqarnissaata tungaanut, nas- siussisoq allakkap utertinnissaanik imaluunniit tiguisussamut allamut tunniunne- qarnissaanik piumasaqarsinnaatitaavoq. POST Greenland allakkap utertinneqartup nassiunneqarnermini akianik utertitsineq ajorpoq. Nassiussisup piumasaqarsinnaa- titaaffik atorsimappagu, POST Greenland suliaassap allannorteqquneqarneranut suliakkersuummut akiliuteqartitsisinnaatitaavoq. Akiliuteqartitsineq siusinnerpaa- mik akileqquneqassaaq, nassiussaq allakkerivimmit nassitsivigissamut ingerlatin- neqareersimappat. Nunami tiguisiffiusumi allakkerisoqarfik, pisut ilaanni allakkap allamut ingerlateqqinneqarnerani tapiliussamik akiliisitsisinnaasarpoq.

1.9 Tiguisussamut tunniussineq

Nunami tiguneqarfissaani allakkamik tiguisussamut tunniussinermut malittarisas- sat atuuttut malinneqassapput.

1.10 Allakkat apuunneqarsinnaanngitsut

Allakkat apuunneqarsinnaanngitsut nunami tiguneqarfissaanni malittarisassat atuuttut malillugit suliarineqartarput. Nassiussat apuunneqarsinnaanngitsut tas- saasinnaapput assersuutigalugu makku pissutaallutik:

Tigujumaneqanngilaq, najukkami tiguisussaq ilisarimaneeqanngilaq, najugaq allanneqarsimasooq amigarpoq assigisaallu.

1.11 Allakkerinermi isertuussisussaaneq allakkanillu ammaaneq

Nassiussisup allakkerivimmik atuineri sumulluunniit tunngasut POST Greenland- ip isertuussassarai. Pisuni immikkorluinnaq ittuni, Kalaallit Nunaanni Ilanngaa- serinermut oqartussaasunut kiisalu Kalaallit Nunaanni Politeeqarnermut oqartus- saasunut tunngassuteqaraangata, POST Greenland taamaattoq paasissutissanik taakkununga tunniussisussanngortinneqarsinnaavoq. Nassiussanut apuunneqar- sinnaanngitsunut tunngatillugu

pisuni immikkut illuinnartuni, Namminersorlutik Oqartussat POST Greenland pillugu nalunaarutaanni nr. 9, 24. juni 2011-meersumi allassimasunut ilaasut tunngavigalugit, POST Greenland allakkamik ammaasinnaa- titaavoq. Allakkat tunniunneqarsinnaangitsut uterfissaqanngitsullu nassiunneraniit qaammatit pingasut qaangiuppata aserorterneqassapput. Tammatsaalisatut nalilittullu nassiussat tunniunneqarsinnaangippata uterfissaqann- gippatalu nassiunneraniit qaammatit 12 qaangiuppata aserorterneqassapput.

1.12 Frimærkilersuineq

Allagaq frimærkinik, frankeringsmaskinamik naqitsimmik, akiumik akilereersima- sutut naqitsimmik (PP) frimærkilerneqassaaq imaluunniit tiguisussap akiligassaatur nassiunneqassalluni (ufs). „PPmik naqitsit“ allakkerivimmi pineqarsinnaavoq. Malittarisassat POST Greenlandip aalajangersagai malillugit PP-mik naqitaq nassius- samut nipitinneqassaaq.

Naqitsit PP atorneqarsinnaavoq piumasaqaatit makku malinneqarpata:

- Nassiussassat allakkerivimmut tunniunneqarsimassapput
- Nassiussassat ikinnerpaamik 50-it assigiit tunniunneqarsimassapput (aki, angis- suseq oqimaassuserlu assigiussallutik)
- Nassiussassat tunniunneqartut nassiussisumit ataatsimit pisuussapput
- Nassiussassami nassiussisup aqqa najugaalu ersissapput.

POST Greenland suliffeqarfiit inuussutissarsiummik ingerlatallit frankeringsmaskina- mik atueqqullugit piumaffigisinnaavai. Maskinamik taamaattumik pisaartoqassappat aningaasartuutit taamaalilluni POST Greenlandip akilissavai.

1.13 Akit

Akit qaqugukkulluunniit atuuttut allattorsimaffiat www.post.gl -imi aammalu allakkerivinni takuneqarsinnaapput, tasanilu aamma akit atuuttut tamaasa pillugit paasisutissiisoqartarpoq. Akinik allannortoqartillugu nunatsinni tusagassiutit aqutigalugit tamanna pillugu ilisimatitsisoqassaaq. Allakkat frimærkilerneqanngitsut imaluunniit amigartumik frimærkilerneqarsimasut nassiussisup angallasseqqusineratut ingerlanneqassapput. POST Greenland kiffartuussinermut taamaattumut, frimærkiliinermut amigartumut kiisalu allaffissornermut akiliummik nassiussisoq akiligassaanik nassissinnaavaa. Akitsuutip angissusaa akit allattorsimaffianni allakkerivinniittuni takuneqarsinnaa- voq. Nassiussisup kinaanera POST Greenlandip ilisimanngippagu, frimærkilernerani amigaataasumut nunamilu tiguneqarfigisassaani allakkerinermik suliaqartumut akit- suut tiguisussamut akileqquneqassapput.

1.14 Akiliineq

Nassiussineq aningaasanngorlugu akilerneqassaaq nassiussisoq akiligassarsinissa- mik allaganngorlugu POST Greenlandimik isumaqatigiissuteqarsimanngippat.

1.15 Taarsiissuteqartarneq

POST Greenland allakkap kinguaattoorneranut, tammarnernanut imaluunniit ajoquserneqarsimaneranut taarsiissuteqarneq ajorpoq. Universal Postal Union (UPU) naapertorlugu allakkeriviit allat apeqquteqaatinik tigusaqarneq ajorput imaluunniit tammartut misissorneqartarneri imaluunniit allakkat nalinginnaasut ajoquserneqarsimanersut. POST Greenlandip taarsiissuteqartussaanageranut Namminersorlutik Oqartus-sat nalunaarutaanni nr. 9, 24. juni 2011-meersumi malittarisassat aamma atuupput. Niuernermi piumasaqaatini ukunani allakkat imaannut poortorneqarsimanissaan- nullu piumasaqaataasunik malinninnginnerup kingunerisaanik POST Greenlandip annaasaqaatigisaanut tunngatillugu, tassalu imm. 1.4mi aamma 1.5imi piumasa-qaatinut kiisalu Allakkanut Tammatsaalisanut tunngatillugu imm. 3.1imi piumasa-qaatinut aammalu Allakkanut Nalilinnut imm. 4.1imi, 4.2mi, 4.3mi aamma 4.4mi piumasaqaatinut tunngatillugu, nassitsisoq pisussaavoq POST Greenland tamanik annaasaqatsaalissallugu. Tamakku saniatigut Kalaallit Nunaanni eqqartuussiveqar-nerup malittarisassai nalinginnaasut malillugit nassiussisoq taarsiisussaataavoq.

1.16 Maalaarutit

Nassiussisup tiguisussalluunniit POST Greenland allakkamik ingerlassinera pillugu maalaarutiginiaruniuk, maalaarutini najukkami allakkerivimmuq tunniussimassavaa nassiussap POST Greenlandimut tunniunneraniit qaammatit 12-it qaangiutsinnagit. Allakkeriviup aalajangernera POST Greenland, Qullersaqarfik, Postboks 9999, 3900 Nuummuk ingerlatinneqassaaq aalajangiiffigisassatut. POST Greenlandip Qullersaqarfiata aalajangernera Naalakkersuisunut maalaarutigineqarsinnaavoq. Inatsisartut inatsisaanni nr. 3, 15. april 2011-meersumi § 22a, imm. 3 naapertorlugu aalajangiinerup maalaarutigineqartup tigungerata kingorna sap. ak. sisamat qaa-ngiutsinnagit maalaarutiginnittoqarsinnaavoq.

2. ØKONOMIBREVE-t (B Economique, umiarsuakkoortut)

Økonomibreve-t (B Economique-t) Allakkanut (A Prioritaire-nut) tunngatillugu niuernermi piumasaqaatinut ilaapput, takuuk imm. 1, makkuninngali allaassuteqarlutik:

2.1 Nalunaaqutsiineq

Immikkoortoq peerneqarpoq Økonomibrevnik Danmarkimut nassiussisoqarsinnaajunnaarnikummat aamma nunanut allanut 21. januaari 2019 aallarnerfigalugu

4. TAPPIITSUNUT NASSIUSSAT

Allakkat tappiitsut attaveqatigiinnissamut atugassaannaannik imallit, Tappiitsunut nassiussatut ingerlatinneqarsinnaapput. Tappiitsunut nassiussat niuernermi piumasaqaatini nassiussinerit toqqarneqartut atorlugit ilaatinneqarput, taamaattorli makkuninngali allaassuteqarlutik:

4.2 Oqimaassuseq

Tappiitsumut nassiussa q annerpaamik 7 kilonik oqimaassuseqassaaq.

4.3 Akia

Tappiitsunut nassiussat allakkanut qaatiguuliorneqarsimasunut piunasaqaatit iluanni angissusissanik naammassinnissimappata akeqanngitsumik Økonomibrev- itut (B Economique-tut) aamma pisut ilaanni Allakkatut (A Prioritaire-tut) nassiun- neqartarput. Akinut qaqugukkulluunniit atuuttunut allattorsimaffiit allakkerivinni takuneqarsinnaapput, allakkerivinnilu akit atuuttut tamaasa pillugit aamma paasissutissiisoqartarpoq. Akeqanngitsumik nassiussineq peqatigiiffinnut, sulinia- qatigiiffinnut assigisaannullu ateqartinneqartunut taamaallaat atuuppoq kiisalu atuulluni kassetebånd-inut a) tappiitsut akornanni taarseeqatigiissutaasunut, imaluunniit b) tappiitsumiit isigisumut inuttut attaveqatigiinnertut atorineqartunut. Akeqanngitsumik nassiussineq aammattaaq atuuppoq allatat qattusuunngorlugit imaluunniit toornerit atorlugit allatanut, kiisalu allakkanut naqitassianullu tappiit- sunut atugassianut. Malitassat pillugit allakkerivik paasissutissiinerusinnaavoq.

4.4 Nalunaaqutsiineq

Tappiitsunut nassiussat ilisarnaaserneqartussaapput nipititassamik immikkut ittumik allakkerivimmi pineqarsinnaasumik.

5. TAPPIITSUNUT NASSIUSSAT

Allakkat tappiitsut attaveqatigiinnissamut atugassaannaannik imallit, Tappiitsunut nassiussatut ingerlatinneqarsinnaapput. Tappiitsunut nassiussat niuernermi piuna- saqaatini nassiussinerit toqqarneqartut atorlugit ilaatinneqarput, taamaattorli mak- kuningga allaassuteqarlutik:

5.1 Oqimaassuseq

Tappiitsumut nassiussa q annerpaamik 7 kilonik oqimaassuseqassaaq.

5.2 Akia

Tappiitsunut nassiussat ingerlatinneqassapput akeqanngitsumik.

5.3 Nalunaaqutsiineq

Tappiitsunut nassiussat ilisarnaaserneqartussaapput nipititassamik immikkut ittumik allakkerivimmi pineqarsinnaasumik.